

萬有文庫

第二集七百種

王雲五主編

植物名實圖考

附植物名實圖考長編

(六)

吳其濬著

商務印書館發行

植物名實圖考

附植物名實圖考長編

(六)

吳其濬著

國學基本叢書

植物名實圖考卷之三

固始吳其濬著

蒙自陸應穀校刊

羣芳

百子蓮	朱錦	鴨子花	彩蝶	文蘭樹	素馨	鳳皇花	夜合花	木棉	賴桐
珊瑚枝	西番蓮	鶴頂	馬纓丹	黃蘭	夜來香	末利	賀正梅	含笑	夾竹桃

稷冠花

鈴兒花

玲甲花

油葱

喝呼草

換錦花

華蓋花

水蠟燭

鐵樹

賴桐

南方草木狀賴桐花嶺南處處有自初夏生至秋
蓋草也葉如桐其花連枝萼皆深紅之極者俗呼貞桐
花貞音訛也 按賴桐廣東徧地生移植北地亦易繁

賴桐



衍京師以其長鬚下垂如垂絲海棠呼爲洋海棠其莖中空冬月密室藏之春深生葉插枝亦活

夾竹桃

李衍竹譜夾竹桃自南方來名拘那夷又名拘拏兒花紅類桃其根葉似竹而不勁足供盆檻之玩閩小記曾師建閩中記南方花有北地所無者閩提萊莉俱那異皆出西域盛傳閩中枸那衛卽枸那異夾竹桃也

夾竹桃



木棉

本草綱目李時珍曰交廣木棉樹大如抱其枝似

桐其葉大如胡桃葉入秋開花紅如山茶花黃蕊花片極厚爲房甚繁短側相比結實大如拳實中有白棉棉中有子今人謂之斑枝花訛爲攀枝花李延壽南史所謂林邑諸國出古貝花中有鵝毳抽其緒紡爲布張勃吳錄所謂交州永昌木棉樹高過屋有十餘年不換者實大如盃花中棉輭白可爲縑絮及毛布者皆指似木之木棉也



木棉

嶺南雜記木棉樹大可合抱高者數丈葉如香樟瓣極厚一條五六葉正二月開大紅花如山茶而蕊黃色結

子如酒盃老則拆裂有絮茸茸與蘆花相似花開時無葉花落後半月始有新綠葉其絮土人取以作裯褥海南蠻人織以爲巾上出細字花卉尤工乃名曰吉貝卽古所謂白疊布今詢之粵人亦無有織作者或別是一種耳廣州閱武廳前與南海廟各一株甚大開時赤光照耀坐其下如入朱明之洞也 按廣西通志木棉嶺西最易生或取以作衣被輒致不仁之疾以爲吉貝誤之甚矣李時珍以木棉與棉花並入隰草亦攷之未審

含笑 捫蝨新話含笑有大小小含笑香尤酷烈又有紫含笑予山居無事每晚涼坐山亭中忽聞香一陣滿室郁然知是含笑開矣南越筆記含笑與夜合相類大含笑則大半開小含笑則小半開半開多於曉一名朝合小含笑白色開時蓓蕾微展若菡萏之未敷香尤酷烈古詩云大笑何如小笑香紫花那似白花粧又有紫含笑初開亦香是子瞻所稱涓涓泣露暗麝著人者羅浮夜合含笑其大至合抱開時一谷皆香亦異事也

藝花譜含笑花產廣東花如蘭開時常不滿若含笑然隨即凋落



含笑

夜合花

夜合花產廣東木本長葉花青白色曉開夜

夜合花



羣芳卷之三十 含笑 夜合花 賀正梅 鳳皇花 末利

合

賀正梅

賀正梅似梅而小廣東歲朝植之盆盎



賀正梅

鳳皇花

鳳皇花樹葉似槐生於澳門之鳳皇山開黃

花經年不歇與葉相埒深冬換葉時花少減結角子如

麩豆今園林多植之或云洋種也 按嶺南雜記金鳳

花色如鳳心吐黃絲葉類槐余在七星巖見之從僧乞

歸其子種之不生



鳳皇花

末利

末利見南方草木狀本草綱目列於芳草此草花

雖芬馥而莖葉皆無氣味又其根磨汁可以迷人未可

末利



與芷蘭爲伍退入羣芳祇供簪馨

素馨

南方草木狀耶悉茗花末利花皆胡人自西國移植於南海南人愛其芳香競植之陸賈南越行紀曰南越之境五穀無味百花不香此二花特芳香者緣自別國移至不隨水土而變與夫橘北爲枳異矣彼之女子以綵線穿花心以爲首飾

素馨



桂海虞衡志素馨花比番禺所出爲少當有風土差宜故也

龜山志素馨舊名耶悉茗一名野悉密昔劉王有侍女名素馨其家上生此花因名

嶺外代答素馨花番禺甚多廣右絕少土人尤貴重開時旋掇花頭裝於他枝或以竹絲貫之賣於市一枝二文人競買戴

嶺南雜記素馨較茉莉更大香最芬烈廣城河南花田多種之每日貨於城中不下數百擔以穿花鑽綴紅黃佛桑其中婦女以綵線穿花繞髻而花田婦人則不簪一蕊也

南越筆記素馨本名耶悉茗珠江南岸有村曰莊頭周里許悉種素馨亦曰花田婦女率以昧爽往摘以天未明見花而不見葉其稍白者則是其日當開者也既摘覆以溼布毋使見日其已開者則置之花客涉江買以歸列於九門一時穿燈者作串與環珞者數百人城內外買者萬家富者以斗斛貧者以升其量花若量珠然花宜夜乘夜乃開上人頭髻乃開見月而益光豔得人

羣芳卷之三十 素馨 夜來香 文蘭樹

氣而益馥竟夕氤氳至曉猶有餘香懷之辟暑吸之清肺氣花又宜作燈雕玉鏤冰瓊瓏四照遊冶者以導車馬楊用修稱粵中素香燈爲天下之絕豔信然兒女以花蒸油取液爲面脂頭澤謂能長髮潤肌或取蓓蕾雜佳茗貯之或帶露置於瓶中經信宿以其水點茗或作格懸繫甕口離酒一指許以紙封之旬日而酒香徹其爲龍涎香餅香串者治以素馨則韻味愈遠隆冬花少曰雪花摘經數日仍開夏月多花瓊英狼藉入夜滿城如雪觸處皆香信粵中之清麗物也

夜來香

夜來香產閩廣蔓生葉如山藥葉而寬皆仰

夜來香



合不平展秋開碧玉五瓣花夜深香發清味如茶北地亦植之頗畏寒廣中以其多陰藏蛇委之離落閩人云斷腸草經野燒三次卽變此花猶有毒云

文蘭樹

文蘭樹產廣東葉如萱草而闊長白花似玉簪而小園亭石畔多栽之 按此草近從洋船運至北地亦以秋開南越筆記文殊蘭葉長四五尺大二三寸而寬花如玉簪如百合而長大色白甚香夏間始開是皆蘭之屬江西湖南間有之多不花土醫以其汁治腫

文蘭樹



毒因有秦瓊劍諸俚名

黃蘭

黃蘭產廣東或云洋種今偏有之叢生硬莖葉似茉莉花如蘭而黃極芳烈

黃蘭



彩蝶

彩蝶產廣東莖葉如秋海棠翠花長蕊野生山間

彩蝶



種不常見

馬纓丹

南越筆記馬纓丹一名山大丹花大如盤蕊時凡數十百朵每朵攢集成毬與白繡毬花相類首夏時開初黃色蕊鬚如丹砂將落復黃黃紅相間光豔炫目開最盛最久八月又開有以大紅繡毬名之者又以其瓣落而枝矗起槎枒甚與珊瑚柯條相似又名珊瑚毬言大紅繡毬者以開時也言珊瑚毬者以落時也按馬纓丹又名龍船花以花盛開時值競渡故名

馬纓丹



鴨子花

鴨子花產廣東似蓼而大葉長數尺以其花

羣芳卷之三十

黃蘭

彩蝶

馬纓丹

鴨子花

鶴頂

朱錦

西番蓮

羣芳卷之三十 黃蘭 彩蝶 馬纓丹 鴨子花 鶴頂 朱錦 西番蓮

如小鴨故名

鴨子花



鶴頂 鶴頂產廣東又名呂宋玉簪葉如射干葉花六瓣

鶴頂



深紅黃蕊似山丹而瓣圓大

朱錦 朱錦產廣東叢生林麓極易繁衍葉如月季花葉

花有紅黃二種如小牡丹苞如木芙蓉婦女常簪之

朱錦



西番蓮 卽轉心蓮 南越筆記西番蓮其種來自西洋蔓

細如絲朱色線繞籬間花初開如黃白蓮十餘出久之十餘出者皆落其蕊復變而爲鞠瓣爲蓮而蕊爲鞠以蓮始而以鞠終故又名西洋鞠

四
香
蓮

百子蓮

百子蓮產廣東或云洋種廿年前不知其異

百子蓮



也色極嬌麗一花經數日不凋婦女競簪之價始高近
日種植較多矣

珊瑚枝

珊瑚枝產廣東或云番種不知其名花圃以
形似名之 按南越筆記謂馬纓丹花落而生槎杈人
呼爲珊瑚毯或誤以爲一種

珊瑚枝



穗冠花

穗冠花如雞冠之尖穗者高六七尺每葉發
杈開花秋時百穗俱垂宛如纓絡移植湖湘亦易繁衍
惟旁莖大肥經風輒折必作架護持之稍寒即瘁不如

羣芳卷之三

百子蓮 珊瑚枝

穗冠花

換錦花

鈴兒花

華蓋花

羣芳卷之三十

百子蓮

珊瑚枝

綫冠花

換錦花

鈴兒花

華蓋花

雞冠耐久也

綫冠花



換錦花

南越筆記脫紅換錦脫綠換錦此換錦之所

換錦花



以名也葉似水仙冬生至夏而落獨抽一莖二尺許作

十餘花花比鹿葱而大或紅或綠葉落而花故曰脫紅

脫綠花落而葉故曰換錦花與葉兩不相見也 按此

卽石蒜一類惟花肥多莖粗稍異


鈴兒花

鈴兒花一名吊鐘花生廣東山澤間歲暮葉

脫始舊樵人折以入市插置膽瓶春初花開狀如小鈴

花落葉發不宜栽蒔

鈴兒花



華蓋花

華蓋花產廣東或云番舶攜種種生者葉如

秋葵花似木芙蓉未曉而開清晨卽落良夜爭燭始見

其花皆戲呼爲曇花植者亦罕

玲甲花

玲甲花番種也花如杜鵑葉作兩歧樹高丈

玲甲花



華蓋花

水蠟燭

宛與蠟燭相似

餘濃陰茂密經冬不凋夷人喜植之

南越筆記水蠟燭草本生野塘間秋杪結實

水蠟燭



油葱

即羅韓草

嶺南雜記油葱形如水仙葉葉厚一指

而邊有刺不開花結子從根發生長者尺餘破其葉中有膏婦人塗掌中以澤髮代油貧家婦多種之屋頭間之則怒以爲笑其貧也 按油葱粵西人以其膏治湯

羣芳卷之三十 玲甲花 水蠟燭 油葱 鐵樹 喝呼草

火灼傷有效又名羅韓花如山丹以爲婦女所植故名

油葱



鐵樹

而不香

嶺南雜記鐵樹高數尺葉紫如老少年開花如桂

南越筆記朱蕉葉芭蕉而幹棕竹亦名朱竹以枝柔不甚直挺故以爲蕉葉組色生於幹上幹有節自根至杪一寸三四節或六七節甚密然多一幹獨出無傍枝者通體鐵色微朱以其難長故又名鐵樹 按鐵樹治病證有神效廣西土醫用之

鐵樹



喝呼草

廣西通志喝呼草幹小而直上高可四五寸

頂上生梢橫列如傘蓋葉細生梢兩旁有花盤上每逢人大聲喝之則旁葉下翕故曰喝呼草然隨翕隨開或以指點之亦翕前翕後開草木中之靈異者也俗名懼內草

南越筆記知羞草葉似豆瓣相向人以口吹之其葉自合名知羞草 按此草生於兩粵今好事者攜至中原種之皆生秋開花茸茸成團大如牽牛子粉紅嬌嫩宛



喝呼草

似小兒帽上所飾絨毬結小角成簇大約與夜合花性
形俱肖但草本細小高不數尺手拂氣噓似皆知覺大
聲啊喝即時俯伏草木無知觀此莫測唐階指佞應非
誑言蜀州舞草或與同彙彼占閨傾陽轉爲數見

植物名實圖考卷之三十一

固始吳其濬著

蒙自陸應穀校刊

果類

林擒

胡桃

菴羅果

橙

荔枝

水松

橄欖

椰子

棗柿

甜瓜

榲桲

榛

柑

新會橙

海松子

楊梅

烏欖

枕椰

獼猴桃

枸櫞

金橘

銀杏

人面子

黃皮果

秋風子

檳果

棠梨

無花果

波羅蜜

天師栗

槌子

落花生

番荔枝

佛桃

山橙

公孫桔

西瓜

蘋婆

羊矢果

蜜羅

蒟蒻

天茄子

海紅

五釵子

露兜子

雞矢果

糖刺果

番瓜

岡拈子

黎檬子

瓦瓜

野木瓜

木桃兒樹

櫨子樹

哈蜜瓜

水茱白

文冠果

林檎

郎果即此

林檎開寶本草始著錄即沙果李時珍以爲文林



林檎

楡梲

楡梲開寶本草始著錄今惟產陝西形似木瓜又似梨多以釘盤有攜至京師者取其香氣置盤筍中以

薰鼻煙不復供食

胡桃

胡桃開寶本草始著錄北方多有之唯永平府所



楡梲



胡桃